


子淵詩集

張仲深



原序四首

昔唐杜子美於開元大歷間以詩鳴其忠君愛國之心
一形于言故後以詩史稱焉余識同里張君子淵於童
卅中知其明敏嗜學蚤孤事母以孝聞後十年余教授
徵饒間子淵亦湯遊湖海正諸有道以擴其所蘊故其
詩章累帙凡愛親之誠形之於言當代清要轉聞于朝
而旌其門吁子淵可謂共為子職者矣然詩之為詩豈
徒然哉自風雅頌而降楚漢魏晉沿于唐宋體制不同

各言其志莫不有揄揚風刺之道焉今子淵之詩拳拳
不忘乎親志形于言自有不能已者子淵雖未能拾一
第承一命以榮其親獨能以詩彰其母之志節亦榮矣
然詩之馴駁固未暇論其愛親之誠較子美忠君愛國
之心庸有二哉觀子淵之詩者各能興起其愛親之心
則於名教信不為無補也嗟夫采詩豳風其職已廢他
日有求忠臣於孝子之門者舍子淵其誰與會稽王君
良與錢梓以廣其傳余既服子淵之孝于親又嘉良與
能樂道人之善故書以弁其篇端至正丙申春三月庚
寅四明安晚後人鄭奕夫景尹父序

昔者楚王之弟鄂君泛舟於新波之中榜柁越人擁掉
而歌朱文公以其自越而楚不學而得其餘韻聲詩古
今共貫四海一家有非人之所能為者雖其義鄙褻而
君子取焉他日葛邏祿君易之至京師常言張君子淵
之賢出其詩若干首其古意三章託興深遠忠貞之心
蓋莫可掩有諸內形於外是是詩可以窺子淵之所存

矣子淵越人也由其詩觀之越人為越豈不異乎古昔
哉鄞故越邑至于近代遂為文獻之邦宗公大儒前後
相望子淵生於其鄉一掃其鄙褻之辭所謂魯無君子
斯馬取斯宜乎易之稱之不容口使朱氏見之又將何
如其喜也余往至鄞子淵羣從昆弟數相往來知其嗜
學之篤張氏其興乎暇日讀子淵之詩輒叙而歸之易
之至正十二年八月丁卯臨川危素書于金臺坊寓舍
繇百數十載已前北南並尚眉山值建學大興詩人殆

廢永嘉專意肅括姚賈幾中興其失也萎江西諸賢以
直致為工斷續鈎棘自謂無首無尾世復以率嗤之暨
車書混一遡淮而上號呼縱恣啁唧之音不革於南俗
文治益隆天下學士大夫始識正路然惟得其形似而
已至於超然筆墨之外深契自得者蓋鮮矣古今評詩
蔚有定論近世未解考究輒事援筆以肆私見譬之工
人規矩不熟於中欲斤斧是馭精巧是期無是理也蓋
詩之為詩情興景而已二者之遇不得不形於言而非

我之所能為者此真詩也苟或牽合補綴可以無作豈詩也哉予近有得於此而年益劬志益落殆不可對人語而亦莫我信也近獲與張君子淵交片言之間輒悟此意出示所作百餘篇其意輒深遠與雕琢相謝絕雖天稟所至亦薰熟有素者夫已有所得而不與知者共非君子用心也喜而為書于卷首至元己卯九月下澣小江艾逸單弘叙

唐杜甫氏為古今詩人之冠宋黃太史庭堅謂學者宜

讀其詩精其句法每作必使有意為一篇之主乃能成家而或者云宜宗商周而祖漢魏晉宋而下可無學也噫豈黃太史為不知此耶商周之作聖人刪之為經蓋方圓之規矩也奚容言哉然曰必祖漢魏則刪後無詩獨漢魏何夫世道升降而文氣從之漢稍近古六義未泯逮鄴下諸子而流風存焉六朝南北非無人也光岳分裂偏駁萎蕪其可取者希矣至唐而後陳子昂首恢雅道及杜甫^出而集百氏之成雖後有作者蔑以尚茲要

之本人情明物理美刺哀樂庶幾三百篇之遺意矣非
直以其辭而已是可槩以晉宋而下為可廢哉蓋商周
之詩至漢魏而靡漢魏之詩自杜甫而定學者溯流而
求之舍是宜非所先也國朝南北混一宗工繼作以中
和雅正之聲而革金宋之餘習學者非杜詩不觀也然
昧者剽剝近似襲用一律而不知根本道藝其所以來
或者之議豈為過哉四明張君子淵每與余論及此而
歎之今其友會稽王良與編集子淵之詩為若干卷以
刻諸梓子淵蓋知讀杜詩而精其句法者也成一家言
以見黃太史之語為不誣茲余之所嘉也故為書其所
嘗與論者而序之至正十六年龍集丙申夏五月辛卯
浙河楊彝序

欽定四庫全書

子淵詩集卷一

五言古詩

古意三章

美人擷秋華
英英照秋水
人好華亦好
光輝兩鮮美
臨風悵離居
願言寄君子
蜚蜚天上鴻
圍圍水中鯉
浮湛兩茫茫
心懷澹無似
石間見明月
貞心諒如此

西鄰有處子
蛾眉妬陽春
見月不敢窺
見華不敢顰
吉

元張仲深撰



徵未云卜秉心守天真永保心不渝但恐色易淪它時
事君子白頭宜相親

春蠶八育蠶蠟二葉桑桑飛蠶亦老婦女絲在箱天
寒響機杼歲暮供衣裳物晚終有成遠為君子將但願
君子心遲莫毋相忘

雲文閣

我家住蓬萊結屋俯翠瀛平生好樓居坐有安期生雲
連香爐峯宛若橫江鯨老蜃噴晨氣瑞靄疑縣旌彷彿

王子晉緱嶺調鸞笙光芒貫東壁可翫不可名常恐青
藜烟夜夜連西清

題松江夏伯和自怡悅齋

高人稅塵鞅嗜此林麓居空翠眩微旭石氣陵玄虛淑
景秘莫測協風與之俱燕坐澹忘慮素懷亦時攄外物
豈我嬰內境默有愉所以君子心廓然彌八區願持濟
時術與雲同卷舒起作邦家霖坐見民物蘇窮固自怡
悅達使俱驩虞作詩慰高人此意將何如

東臯

疎雨夜來過曉澤澹不波南颶亦時臻我行此婆娑十日在州郭炎塵漲城阿茲晨入山去崩雲壓藤蘿欣然酌我酒慷慨發悲歌勲業在少壯老大將如何

題鄞尹許具瞻仁政堂

郎官宰百里列宿昭穹旻自非操至公莅此常遭屯王臣殊蹇蹇聖語斯諄諄所以翼流化啟沃需臣鄰許候秉純粹積學夙所珍一命倅州邑載命撫字勤睠茲膺

遴擢居然宰^東鄞絃歌振庠序治教超等倫一堂雖云舊景象由茲新草木足生意烏雀亦自馴向非公明懷動植咸陶鈞雲霓士民僣雨澤桑麻勻終年去炎凜百里昏陽春明溥鈞無私細大同一仁願持金石心明當贊經綸作詩匪誇詡鉅筆行鐫砥

文昌春祀宴集分韻得文字

璇霄霽靈雨澄波蕩青雲玄宮集逢掖稽首宏仁居蘋蘩春荐羞鬱它沃芳芬祥光爛昭昭盼嚮來熏熏謔馮

祝嘏致禧藉腥俎分歡悰互酬獻讜議殊紛紜新題席
上命好鳥花間聞此樂誠未央此會不可羣先達固崇
仰後覺心彌勤龜勉答神休千禩昌斯文

又丙申二月祀文昌分韻得忽字

祠宮懸宿靄藏祀肅趨謁飛蓋晴雲褰委佩清香發灌
炳闡精誠神靈儼飄忽高堂欽受均行厨富穀核藻景
緣壺觴光氣薄靈樾醉躡青雲梯相期上蟾窟

過太湖

漂漂適他州浩蕩去無所風飄如驚鴻百里已可許天
寒吳江波日落晉陵渚旅懷慘不悅愴悽恨如雨獨夜
維我舟三更鳴櫓

溪上

晴曦朝可負溪水渴易求值茲難苦際幸免寒渴憂所
憂楮幣嗇難為稻梁謀紅塵冒川陸挈家往山隴葦芽
暑可斲溪毛夕可羞渴饑既無慮溫清宜常周圍圓坐
初夜題吟散閒愁杜門候時康終期闡皇猷

白雲闕崇岡湏臾無定期好風從南來吹度溪之湄溪
流既靡靡雲影日離離而我造其間偶此相娛嬉坐石
景將夕裴徊澹志歸烏鴉忽飛來足我山中詩

臨流坐白石少憩聊盤桓渴溪兩黃犢動靜天機閒物
我俱夷游偶地心自安山中三日留展我平昔顏明朝
出江口孤舟入西山

蛛網落花

繁紅隕晴風攔絲自成家鮫綃浣紅淚冰蚕貫香雨逝
將流水心縈此愁幾縷日暮燕支寒春深聞杜宇

城南分韻得山字

白日何杲杲浮雲亦盤桓悠然百慮息愛此一日閒放
舟沈幽渚擊楫迴清瀾我性本蕭散茲賞有餘歡水花
自嫵媚烟鳥時一喧吟餘不知暮夕陽度西山

城南分韻得底字

清風吹我舟搖搖河之浹我來憇林塘林塘幽且美竹
疎風冷冷雨足禾靡靡尋詩陟古城醉酒弄清泚悠然

樂有餘浩歌白雲底

余辟地城南友人單孟年項希周相遇分韻三
首各次之

楓字韻

貴游不垂堂金屋春融融
飲知膏梁味鄙我田舍翁
凌晨轉泥坂薄暮披榛藪
種秫秋可釀澆此磊砢
甬但憂貸二稅詎知有三公
夜歸藩落內曉入州縣中
徵求苦給給奔走常忡忡
風塵翳白日江漢號悲風
中原戈甲滿晚歲霜露濃
貴游厭膏粱誰復懷宸楓

晚字韻

幽居邇城郭十往常九嬾
林泉有真趣聲利豈吾挽
挂中松樹枝履屐莎草坂
嘉朋忽枉顧頗怪情意坦
世途屬多艱交態常赧赧
過從在知己居敬自行簡
青蔬嫩膏腴瓦爵踰玉瓚
相看未白頭且復作青眼
道路終清夷琴尊當往返
歡迎在今日論交未為晚

林字韻

紅塵眇川陸旌旗駐彌深詎為白石歌擬作梁父吟抱
琴謝俗駕清坐懷知音良朋喜簪盞濁酒欣對斟歡言
情眷眷景仰心欽欽世方貴趨勢我儕自論心安得起
山王酣歡坐竹林

西江放船

亭午進我舟西江煩屢度野盡青山來日落帆影去寄
身江海間俛仰歲月暮悠然發孤咏政爾湔百慮萬事
已復然滄江自東注

秋汎分韻得影字

畢景進我舟褰裳涉幽境盈月耿白光長松落踈影菰
蒲晚瀟瀟水天秋同同歸來酒興高歌長夜初靜

張德淵飲予金櫻煎酒作詩乞之

南州產奇卉叢生翳山澤密葉細如錢修條亂如棘遲
遲青春深粲粲素華發微芬媿崇蘭幽芳媚晴雪繁霜
隕高秋纍纍綴朱實道人有佳致戒童秉筐笈采擷溪
之湄製煉良有法渠渠杵百過冽冽玄霜滑上引瑤池

漿下熟琪樹葉清芬何輪困百沸嬰執熱有如連金泥
芳鮮效錫密置之尊俎旁情親為予出一酌豎玄髮再
飲生羽翼久之澤肌膚矧乃祕精血遠慚銅掌仙清露
粲玉屑願分刀圭餘終朝蛻凡骨

送染上人往永嘉禮源師

人生始提抱孩笑物罕儔三齡蒙始達五齡氣食牛弱
年漸乘張役役各有謀或為工與商騁智窮輪轉或為
士與農讀書事田疇所以嗜名士實與嗜利侔陽輪駛
隙光衮衮無停留朱顏謝韶景白髮生清秋乃知人有
生百年等浮漚生前爵九命死後土一坏阮生悟茲理
離俗仍長遊東嘉宅山水源師道之尤往叅一小乘智
辨從茲優解此身世紛反為身後憂子今別我去同調
難同流彼此尊所聞茂業期精脩永翫平堤瀾源頭自
悠悠

蘭溪

曉發鄉頭灣十里見州治長橋臥秋虹右栢翳寒翠行

金定四庫全書
卷一
行問風俗人烟稍繁麗所產皆可人頗與鄉土異溪魚
帶雨肥紫藥經霜膩一一供盤飧似勝鱸蕨味清醕列
且芳紅粧冶而媚安得五石尊飲我千日醉回首終殘
年客程誰復計

石壁寺

俯首見清流仰首見石壁上有蒼茫痕積此太古色雪
霜摩其肩波瀾濯其足自從有天地即解有此石屹爾
歲月久不逐浮世易至今肆頑礦洪濤恣吞蝕央央石
上雲雲開絢晴日中有梵王宮翬薨爛金碧牆垣繚周
遭一覽慰平昔何人手種松笨尊總數尺期汝千斯齡
下與蒼石匹但恐陵谷變漂泊兩相失

呈僉帥三寶柱廷珪

明時尚右學髦俊各有造廟堂足旁羅山林極幽討公
家秉懿德胸次五車飽精神揆空碧符采絢華藻當年
覲宸旒啓沃邦家兆居然宰州邑撫字弗草草棠陰護
晴晝燕香散穹昊滄海一駐蓋馳聲被夷島輕車駕熟

路玉帳卓清曉參謀語堂堂籌畫氣矯矯政事刀發矧
溫恭圭襲綵烏臺茲振佩七郡盡驚愾賢良賴登庸奸
回幸深勦書生仰星鳳瞻拜苦不早高堂抱貞素白髮
已垂老願提五色筆釣陶藉吾道俾紆人子心捧檄自
傾倒洪恩曾靡忘有如日皎皎需公臧補袞調燮計非
小他時安黎元撫掌譚笑了

越上九日感懷七首呈韓明善先生

霜橫江上秋月照天外海政茲風景遇客子顏色改異
鄉難為情賴此清尊在央央黃金花幽姿自瀟洒世無
彭澤翁千載誰來采

耿耿歲云莫索索多悲風孰云客窗靜亦有床下蛩起
來獨盤桓幸此良景逢油然開我顏清賞誰與同濁醪
有真趣可惜兒女容行吟會稽嶺坐嘯蓬萊峯冉冉羣
動息月在山之東

登高曠玄覽寓目銷我愁峰蠻滴朝潤蕭條氣含秋客
邊得佳節慮靜境亦幽況乃歲稔登遺禾彌道周糟床

注新釀已免沽挈憂幸此足斟酌好景庶可酬豈知故
園月今夕在茲樓一笑欲忘言歲月何悠悠

越山鬱宮宕越水何涓涓愛此山水區征途滯青年蘭
亭訪陳迹俛仰追昔賢蠶紙匪故墨千載空遺編引流
泛羽觴一醉西風前雅量斟酌之浩歌陶自然

褰衣涉清流興盡足未倦杖藜訪林邱荒塘衰草徧客
中恨寥寥及此情眷眷為采籬花寄彼山陰彥歸歟復
歸歟浣筆書所見

愛酒古所有我性亦自耽匪為酒作荒奈此風景繁旅
况政索莫度用除心煩蟹螯薦新釀霜橙壓黃柑心交
可酬酢豈為事盤飧三嘆尊俎傍身在天東南

疊疊圓象運苒苒青歲闌策策西風鳴耿耿客子寒客
子行路難况乃衣裳單萸盤薦重九雅歌和清彈苗華
被幽逕拒霜明空園所樂忘所悲慷慨有餘歡不知烏
帽欹邈矣追龍山

避暑湖上與呂元膺分韻四首

我行湖之陞浮游散腰脚殘陽度西林啼鳥滿東郭寒
衣受微風此計良不惡嗟彼炙手徒于焉孰為樂長謠
蹋歸逕流螢滿叢薄

流水本無意歸雲亦無心人生苦多機擾擾懷悲辛何
如命佳侶濯足湖西潯猶然忽忘言嘉木鳴珍禽起拂
塘上石坐愛雲滿林

行行足力適少憩湖上松坐拂松下石永嘯生清風嗒
然滿幽聽萬籟真笙鏞欲覓不可得白月當青空揮手

謝時俗去卧東山東但恐屐齒折政茲懷謝公

三伏苦炎熱林唐自蕭幽長松蔭平湖六月如清秋水
花靜窈窕烟鳥時唱酌攜朋薦桃笙戒僮汲新流盥罷
吟我詩此樂復奚求安得陶九亮于茲共盤遊

題衛明鉉溪山獨步圖次韻

輕舟艤幽渚載酒欲問奇穹巒浥朝潤老樹含秋暉意
行入寥閭山回轉參差無琴寫深情有酒一中之覽圖
愜懷素坐翫殊忘疲世途方蹇蹇顧我常怡怡俯瞰滄

溪流仰視白日馳安得陶元亮抽簪賦來歸

倪仲權宅城北隅鑿池植蓮環以翠竹友人烏
繼善顏其齋曰花香竹影益取慈湖楊氏之言
曰花香竹影無非道妙因賦十韻

幽人嗜清謚結廬池南濱生意浮綠野波光蕩青雲奇
葩既嫵媚修篁亦繽紛繁紅藹晨馥翡翠護夕曛物雖
一植微中有至蹟存形色理固顯索隱邈見聞妙契俯
仰間鳶魚亦翔奔乃知動植至理同網緼玄功諒誰宰
物物均化醇翫此香影妙嗒然難具論

金華洞

金華古洞天丹霞冠其顛上當婺女垣下據雙溪壩括
峯盤其股會稽摩其肩晨霏護瑤草瑞靄緣石田靈宮
媿上界陰洞通九天黃冠秀玉飄琴心語胎仙駕言極
游覽捫蘿重攀緣素心愜清曠探索窮幽玄長揮訪松
喬授訣期長年邈焉不可究澄心聽松泉

赤松宮

桃源富山水仙居鬱嵯峨穹壑逼象緯紺霞護藤蘿羽
 流戴星冠方瞳照皤皤或時凌紫色環拱聲相和世傳
 平起輩颺輪振瓊珂遐登隕遺迹石鯨滿山阿迴與塵
 世隔巖罅豁曰科遺茲幻化境伏物皆駢羅我方借筭
 輿一覽愈宿疴竟欲從之游恐貽來者呵

釣臺

嘉林冒晴碧穹臺薄層霄央央太古雲停陰被山椒炎
 薰駐行鷁捫蘿撫岩堯激烈增慨傷顧盼忘曛朝赤靈
 復乾符雲臺紀崇勞至人澹無為寡處窮盤遨未論夷
 齊清寧許巢由高舉世縻聲利驚寵趨市朝黃塵競汨
 汨銛口紛囂囂有如車下坂覆折隨所遭仰企臺上雲
 清風振林臯我方規出處遐瞻送長謡

通濟橋

浮梁駕長虹溪流浩無極睠茲締構功諒哉殫庶力崇
 攔護滄波修棟走白日巨砥累十尋壞材逸千尺靈鼇
 負願老蜃吸業岌念昔病涉者憧憧今有適浮屠廣私

恩迥踰溱洧蹟期爾千斯齡永永如砥直慨彼巖廊姿
駢列皆柱石顧維通濟功安事作舟楫

宿寶華庸上人房

靡靡日西頽寥寥夜將入我來何所見沙尾白鳥立渚
華散幽馨岩月落佳色支筇入招提脩廊響吟屐林堂
有餘興危坐忘形跡野鶴投暝回疎鐘度蘿出朝來借
筍輿去踏清溪石

宿慈湖石上人房

曉鐘度東壑客子酒方醒殘燈耿疏窗西月澹猿影偶
地成安居澄心愜幽境風松響簫韶危枕滿清聽餘韻
久回復鳥啼山更靜杲杲日東升歸心又馳騁

過小洋

我行甫三日所歷不絕山隔溪見崔嵬地險心自安五
里逢一灣十里輒一灣篙師欲一上若挽百弩艱有如
嗜名士分寸勞躋坂常恐一失勢墮此千丈湍覽此已
長喟所見恒心酸駟騎轉山腰客舟泝危灘意興各有

適風霜共搏頰去年梗蠻獠炎塵塞閩闕羽書日夜下
已見剔巨姦會將鏟疊嶂免使行路難

送王正卿歸隱東湖分題得釣石

蒼巖鬱嵯嵯滄波靚涓涓水山蘊靈秀人物儲清妍步
尋釣石處撫跡心油然達同登岩廊窮當處林泉未論
磻溪高尚友羊裘賢江海多風靈洪濤政涵天抱懷抵
柱姿容默思自全嗜此水山嘉盤遨送流年坐拂石上
雲永嘯清風前

贈呂自牧

玄機運亭毒冲氣萃厥躬靜拙造化秘周流與天通燮
調或少疹刀匕每不供所以鍼砭妙巧于藥石功呂君
吾鄉彥蘊奧蟠心胷冥傳越人術訣授長桑翁秉此濟
世誠徃徃蘓疲瘡良時解醫國此理諒擴充明當馳薦
剡籍貫明光宮

送恂上人游徑山用銘禪師韻

圓穹運亭毒大塊真浮浮人生於其間有如一虛舟乾

金定四庫全書
卷一
坤甸清淑可攬亦可收
恂師擷其秀南林嘗獻酬
上上盤陀峰時與金仙游
亭亭峰上雲汎汎水中漚
雲飛漚亦散雲在漚還留
覽之如忘言松風奏琳球
幡然動飛錫暫卓西湖幽
我欲往從之離俗真罕儔
長揖別師去同調難同流

感懷

流水清泚泚停雲白英英
兀坐翫時物歲月如奔星
芳草歇柔錄秋花發幽馨
悠然上南樓迢遙暮山青
涼飈起木末鬱鬱方含情
清晨攬衣起遠林瞰朝暾
嚴霜淨天宇碧水收舊痕
愴此景光徂歲暮驚心魂
安得故人遇聊亦對清尊
如何咫尺天令予思徒紛

宿廣壽方丈

登州漲春濤徒杠晚先登
偶携囊中友值此方外僧
歡迎慰平昔邂逅云吾曾
杯盤雜蔬果起坐飛籌觥
新詩紛綺麗妙篆焚晶熒
糟牀夜深注茗椀更餘烹
論交意自愜晤語心先傾
竹林振清響梅花為余盟
良會欣在

茲四美今合并雅興誠難窮共看無盡燈

秋夜讀書

西郊風露夕涼風入吾廬焚膏繼晷晷而還讀我書簡
編散芸香探索味道腴翫此聖賢心油然樂有餘四郊
久多壘兵戈政馳驅紅塵障白日積齒填溝渠安得挽
天河為我一蕩除且當敷衡門兀兀究聖謨

石塘

霜日浮晴暉溪流眩五色石髮結深翠團團異瓊甃或
似丹與堊或如紺與碧素沙相蕩摩滄波互吞激緬思
激溪上五里時一折故為此經行咫尺見縣絕乃知世
進險愈遠勢愈亟行役且勿論尊酒聊自適霜橘大踰
圍溪魚動盈尺勿辭酒味薄庶可澆胃臆酒酣詩眼放
落日半天赤

盆荷

南庭蔭嘉樹日夕生清風幽曠愜懷素繭足三艾筇戒
僮斲玉華陶埴空莎藂分此太華根擢蔣茲盆中奇葩

既嫵媚脩莖亦玲瓏雖隔土壤脉寔假造化功太虛落
景圓涼月光溶溶深夜藹芳氣晨露淒以濃鑑湖千頃
秋茲意亦自同眷言嚮君子百世漁溪翁

送陳子山待制

戒舟滄溟濶挂度北斗回驛吏候明發夙興且盤壘及
茲陽春杪高颺正南來蛟臺海色聚秦望霜霧開迢遞
啓城觀縹緲幻方萊玉堂席虛右羣仙久喪佻冠蓋切
五雲環佩振三台直起鈴閣曙臚傳重轟雷
表而陰屬乎裏外為陽而有輕清之性內為陰而有重
濁之體豈非法象之自然歟今夫陽法天氣也而主以
陰法地氣也而主內蓋腠理四肢設乎外清陽同氣以
相法地氣也而主內蓋腠理四肢

聽姜可玉彈琴用江叔載韻

出門聽松泉塵心一以洗入門聞絲桐又欲洗塵耳幽
人在東齋見之殊可喜悠然太古心靜探玄精理一弄
風冷冷再弄溪泚泚但言少知音振衣張拱起孰知伯
牙心蕩蕩在流水豈若齊王竽僅諧東里鄙

芝蘭室

沅湘翳風霾晚畝荒雲烟芬芳既銷歇蕭艾彌郊原亦
有好脩者雅意趨自然結齋僅十笏度地踰九筵房櫳

和煦藹几格生清妍我來承顏宇靚若挹芷荃清言復
同心晤語情便便至今慕高潔日夕懷林泉擷芳持贈
遠長恐渝歲年凝思澹無窮寫入琴中絃

秋日海棠

露華曉厭浥草木凌淒風值茲搖落際覽此翡翠叢葩
葩曜秋圃灼灼騰春紅嗜此明媚姿不減睡思容誰當
秉銀燭稷豔欺芙蓉雖憐若質嬌孰御霜華濃永嘆三
逕前盤桓撫猿松

靈源寺

蕭梁崇象教祝髮布中國偉哉樓約師江左闡翻譯宸
旒躬授記襲袞致齋飭胡為且示現大千茲卓錫尖峯
殿其後靈源徑其側精籃鬱中峙金刹屹天尺皇畿會
蒙塵乘輿據傾草尚想瓶中天借爾護持力我方眺遺
境慷慨興感惻秋風振祗園荒陵共蕭瑟

用韻酬易之

翳翳景向夕樓臺結微陰涼飈東南來好鳥鳴高林懷

人眇天末足然想足音

泛舟

出門看青山迤此千里客東臯載我舟
搖搖入州郭日暮江流長坐永天宇闊
悠然增偉觀變化何倏忽雲度山尾青
雨洒江面白神工不可測片月水中發

九月菊未花

西風落秋杪零雨冒江郭起行旂中庭
支筇慰寥寞籬東菊娑娑欲采未盈握
奇英蘊黃中清芬含翠萼去年秫稔登
佳朋足斟酌對花發長嘯唵咏殊自樂
今年風塵際干戈滿川岳居眊盡逃亡
朋知半零落對花發三歎撫景恨詩惡
何當起淵明吟詩檄華發

窗間水影鍾仲章見示

小室俯晴渚麴波曉晶焚陽靈濯光景
空碧生虛櫺誰持并州刀剪碎龜甲屏
羅鞞塵縹緲翠袖春伶俦夜深煙霧濕
常恐埋青萍

欽定四庫全書

子淵詩集卷二

元 張仲深 撰

七言古詩

負暄行

野人多病卧竹床
新寒中骨饑欲僵
呼兒扶偃出門去
窮閭愛日如探湯
初疑冬烘可炙手
漸若醇酎充枵腸
玉山曉煦釋陰凍
已勝狐腋生春陽
野人家有一晦宮
女能緝麻婦能桑
今年絲枲頗豐物
里胥橫斂需官糧

遂令方冬禦單袷至使卒歲無衣裳世間貴游多步障
千金買裘繡鴛鴦羅幃貯嬌厭紈綺尚有文綉蒙宮墻
豈知窮檐有真趣不炎不凜春風長方今戰士苦寒慄
介胄生蝨罹風霜急當持之獻天子願賜被服照恩光
遊武當別峯次姜可玉韻

夜深忽夢雙鶴來夢回但見山容開侵山故故入山去
雪埋老樹深莓苔倚花問鶴鶴無語劈琴剗鶴和花煮
定知一食生羽翰飛去蓬萊聽風雨

疇昔

我生愛山殊有癖日日登山訪幽寂故人江陳三五輩
醉卧青溪掄白石踏霜采杞璠盈把拂曉題詩雲滿壁
文華峯前動客吟百花崑底留行跡故人別去動經載
溪山溪水總相憶今年海口獨棲遲塊爾窮居自紬繹
我家崑壑明越州看山看水豈終極酒酣祇上知章船
醒後還尋謝安屐我今出門但平原夢欲尋山了無覓
臨風時復一想像致使心脾結沉鬱州縣稻梁雖自足

江海風塵久難息人生得意須勝遊莫使沉吟念疇昔

送危太樸檢討還京

詔修三史求遺書至四明

臨川先生富文學願見久矣不可親夜占使星動牛斗
曉聞官輶薄東鄆欣然出門往見之向者佩誦今始真
才華籍籍三十載積學所至非鬼神銀蟾濯海秋旦旦
淑氣鬯物春津津大朝士流日以盛玉堂掌故俱薦紳
煥章三朝舊文物直與造化同陶甄公行采訪及遺俗
禮繁樂縟皆陳陳忠端奸佞等黃土尚籍竹帛昭瑜珉
董狐馬遷不可作嗚呼千載公其人

我生

我生失怙口尚乳兄弟伶仃母孤撫母年六十子三十
夜共青燈守環堵母言夫死當從子子當讀書樹門戶
治麻貿書欲教汝織紵為衣仍衣汝至今游子身上衣
尚帶西窗夜深雨今年八月拜高堂因上西州歷東土
却聞江南張公子自築岑樓踰峻宇江湖徃徃見詩章
川縣時時有人語已知溫清足滌瀟雪革冰鱗日能取

白雲却覆樓前萱綵衣每仆樓上廡貞心擬報三春暉
素懷直與明月伍用勞詎但慕曾仲不置還當法姚禹
我觀浮俗苦不然輕薄紛紛焉足數豈知孝者乃天常
反以非常事誇詡我因感君悟茲理便欲移家成一聚
非閔族譜能相通自愛襟懷同出處我今未解構數居
千里翻令倚閭苦詩成蚤晚理歸舸免使庸庸等砥砮

題蒼龍出浪圖

老龍吹浪蒼雲濕萬丈銀潢掛遙碧泰華倒景天柱搖
電母蟠空轟霹靂道人胸次溟渤寬高堂六月生晝寒
墨花濺香夜欲滴晴聚護靄秋不乾曉蹴雲衢留步武
上際文明當九五天瓢未可私吾鄉遠近蒼生待霖雨
胡用和聽雪窩

九冥使者令行肅怒叱剛飈逐騰六驕雲壓地凝不流
萬里寒稜逼人目一齊函丈大於斗四壁生輝瑩如玉
夜深危枕支詩魂衾鐵稜稜似龜縮戰酣凍蟻寂不聞
獨訝春蟲暝中撲是誰碎剪銀潢波辭撒珠璣三萬斛

初疑入幙勢斜斜時復綠窓聲簌簌夢魂無路覓寒梅
詩思翻驚折危竹長安客舍清於水亦有羈栖抱幽獨
門前自絕車馬塵釜上曾無肉為粥東隣西里富熏天
細醞羊羔酒初熟酒酣把翫溫柔鄉豪竹輕歌貯金屋
但知聲色樂意長豈信齋居清聽足高人曾次無一塵
肯附輪蹄競馳逐政如袁安不出門自擬焦光眇庸俗
嚙氈朔窖耳孰令擊警縣孤事誰續從渠簡冊紀勲庸
我獨忘榮亦忘辱起呼小姬煮春茗嬾具扁舟汎溪曲
更結心齋聽以心擊壤高歌繼芳躅懸知海上来歲豐
農圃無勞問鷄卜

為蘄縣縣翼王萬戶題

霜落江南凌萬木日夜西風到林屋壁間古劍搖芙蓉
帳底青燈朶紅粟將軍好武復好文一段精神照人目
酒酣舞劍迴電光時復挑燈藹芸馥良弓在檠不動塵
風鏃鏃鋒戰擗曲三軍號令寂無譁萬竈貔貅自清肅
立當要路鎮雄藩不比常途閒食肉公餘息宴動微吟

兩袖驪珠紛可掬瀛洲自此生輝光鷄林豈惜千金贖
黃簾不卷秋滿堂分得蟾華夜如玉

山之雲

山之雲白央央陵晨出山作霖雨薄暮栖向巖扃藏山
之雲央央白觸石之勢網緼不可遏不可遏天下蒼生
待甘澤

菊東山人歌

黃華山下蒼顏翁自云家住東籬東籬根野菊不待種
年年着葉秋滿簔去年花開金纂纂今年花開大如碗
走傍高陽喚酒徒更向南隣覓詩伴對花把酒花欲言
花言爾曹何太顛只今瀕洞干戈際胡為落魄風霜前
何不臂鎗驟射競奔走咲取金印纍纍大如斗歸來狂
歌痛飲花前酒山翁對花前致辭功名富貴胡足竒世
間豪華熾如火德薄奉厚俱傾危殷勤勸花酒花亦為
予壽忘形到花我臨風但三嗅起來傾倒老瓦盆醉即
長歌時一扣吁嗟乎花開花暗秋復秋人生白髮為花

羞我曹相逢強作開口笑醉歸共插花滿頭

贈徐仲裕

混沌夜鑿玄黃剖書契創錄垂不朽誰將汗簡編湘雲
渥漆濡丹示悠久蒼頡餘製見鳥跡孔壁遺形有蝌蚪
篆籀孰啟冰斯先分隸每變鍾王後後來衆體多紛更
幻若浮雲化蒼狗徐君適生千載下體法潛心希八九
妙知化與心神融造化無端落吾手儼如泰否通往來
解使陰陽成雜揉江南此藝雖云多探賸鈎玄只君有
方今四海洽文化擬作般那頌元后摩崖泰嶺空崢嶸
妙手須君鐫岫嶽

贈蕭君佑

人孰無父母蕭君有父生能致其養死能枕塊歆粥終
暮祥人孰無兄弟蕭君有弟有財弗與爭有爵克讓使
之垂休光世人不識蕭君賢蕭君孝友因心然昔年烏
府躬輟牘俸錢散盡見啼寒七閩蠻瘴遠榕樹驛騎嚼
銜嘶薄暮平生願效王家勞十載曾無致身處世間亦

有輕薄兒紆拖青紫安輕肥豈知孝友因心有祗使骨
肉常乖離皇天不為蕭君私烏臺柏府豈無賢者知己
知天爵修於斯自有人爵來如期嗟哉蕭君慎勿傷暮
遲嗟哉蕭君慎勿傷暮遲

贈朱敬之

葩雲縹緲連三島古堞高懸浙東道七城斗列莫南邦
吹徹梅花海門曉紫陽仙客天上來跼跼驕蹄春騷裏
簿言鞫讞自清幽玉帳叅謀笑譚了十年省署足優游
一日瀛洲事幽討團團薇露滴晴垣濯濯蓮香沉秋沼
遂令胃次飽清腴時復霜毫恣揮掃丹青襍揉絢天葩
破墨淋漓效華藻書生有母抱孤真素髮蕭蕭已垂老
願持色筆發潛輝解使深恩等鈞造

贈錢善長

士也在世應時需自知忠孝非兩途忠當事君罄衷赤
孝當養親服勤劬書生有母已垂白屢易星霜抱冰蘖
朝廷化成多美意肯使孤真竟淪匿惟公素稱長者家

筆端霜氣秋生花柏臺騰譽七郡肅片言折獄曾無譁
書生景慕已有年願持彩筆成陶甄子能盡孝母佩德
載拜深恩即二天

贈茜涇張伯起

厥初何人鑿混沌一氣周流自融渾秘樞密運陰陽根
萬化生成靡增損弛張忽有一毫沴峙者不墮流者紊
乃知調變在宰衡手握乾綱契深懇若人戴履叅為三
氣志在躬知默胎和則榮衛生細緼戾則疲瘵襍憂忿
政如陰陽有驕蹇必假良醫一詳診欲探六脈致調和
曷審三因正標本張君明醫繼五世究心深入岐黃圃
濟生自有神聖功立志豈伊庸俗混窮當衛世康斯民
達則調元思補衮自知窮達理一致不管衣巾走塵空
我生於世意無補從此因君當發憤致身未斷出處期
尚抱遺經作儒隱

贈鄒山汪彥通

憶昔少小同閭里廿年東西若流水子能掉舌戾王門

我得晨昏致親喜是時世道多睽乖風塵瀕洞連兩淮
官軍對壘苦死戰守令治劇愁顛崖叅政旌旗控三嶺
子策端能復侵境不謀駟馬印累累坐取一官甘獨冷
鄮山宛在水中央過橋琴珮春風長諸生堂下稍羅冷
兩供俱闕同荒涼三倚秋亭美雲月坐上青氈又思徹
故家只住湖西頭蹋破門前三尺雪

海陵行為秦州袁子英賦

海陵孝子身姓袁弱年喪父母獨存闔門老稚百十指
怡愉日夕同盤飧前年盜賊掠州縣通州秦州漲煙焰
玉石處處俱蕩焚母子家家不相見袁携妻女負母行
妻流女離難為情未論妻女得相保且負老母逃餘生
女泣父母婦泣姑父覓妻女妻覓夫女妻子母復相見
喜悲交集氣始甦蒼生不解皇天意泰否剝復常相繼
非因袁子有純誠豈使一門全孝義嗟爾袁子孝且慈
世人已識天已知他年驄馬訪民俗海陵為我陳此詩

青松枝

青松枝青丕丕手把青松枝為君酌別離松枝顏色年
年好常恐人生鬢毛老願君操比青松枝天寒歲晏終
不移

次沈元晉蓮花韻

方塘過雨新流急高柳玄蟬為誰泣故家池館藕生花
萬柄參差水中立亭亭盡作妖冶容粧明不假鉛華濃
碧雲低擁浣紗女花房亂擣紅守宮水晶宮殿開南北
萬頃琉璃湛秋色仙人太乙忽相逢罔罔方瞳照空碧
自言家住清溪濱年年種花驚水神華開茜素千萬朵
采之寄贈相思人殷勤為道相思苦眼底風塵暗淮楚
苦心自抱清白姿素質不隨泥垢圻擷芳採綠當製衣
為逃濁世非眩竒他年玉食許同貢只在苕溪與霅溪
詠罷仙人駕蓮葉手把洞簫吹不徹回頭池館起西風
十里煙雲華似雪

白龍洞

地盡東南滄海據龍窟蛟宮自無數客行千里見山高

却到東州地窮處人傳山有白龍居住策何辭一徒步
 我因好奇細詢之父老無能道其故乃知滄海蛟龍多
 天遣行雲作霖雨嬾為翻身歸故窟暫戢鱗鱗此中住
 上連碧巘欲南奔下洩清流自東注老石暗結生雲根
 虛谷潛通上天路風雷三月動地來洞口時聞頭角露
 常陪白帝行清秋要與塵寰洗炎霧徧施九土商家霖
 晝踏天衢自迴去馮夷海若遙相迎歸卧瀛洲紅日暮

羊寶同郡黃直夫自言嘗至河間武清縣得一
 羝既而剖之獲其腸中所蓄如彈而色黑

者六十枚初未之省盡棄之乃留一二以
 視其土人曰羊寶也世罕得之得之則可
 以療腸胃間疾遂藏以歸
 因視餘枚作詩紀其實焉

客舟昔艤武清浦不惜囊金得肥羜夜間秋月弄蟾華
 晚啣靈苗卧春雨未知秀異生腓骨已覺輝光澤毛羽
 自從割鮮得所見粲若驪珠紛可數寸螺點漆墨凝花
 一一勻圓訝如許世貪為寶媿璣琲我媿無知等塵土
 蒼龍有珠徒想像青兕生黃互吞吐何如此寶禪世用
 解療膏肓安肺腑牛溲馬勃曷足論羚羊角麋茸諒無補

黃君自此什襲藏價擬連城越珉珉焚香展襲始一見
顧我求之嘗至屢貪者掌內紺珠新海上還丹皆妄語
我知此物非世留嘗恐雷公潛竊取自憐把翫晝生輝
只合持之奉明主方今海內多瘡痍願濟黔黎周瘵苦
定知官帑輸千金韞匱深藏勿姑與

舟中荷花

汪即之種荷小瓦盆中花盛開載於舟是夕叔載同宿舟中賦詩就次韻

臨平五月花連岸曾買扁舟月中看綵鸞踏空乘夕回
聞有三江名一縣當年眉山草木枯此日源口泉林變
君家早祖筆生花至使文華後人見祇因要結青山緣
致令不上黃金殿大器還期在晚成會稽終遂平生願
我家兄弟亦讀書夜夜燈窓事鉛槧元年四十弟三十
着鞭非敢奔而殿功名已信命使然造物由來不私眷
要知得喪理一致共鑽吾道其無倦

題陳元昭雪篷

幽人久住湖南隅開門看月雪滿湖團團茅齋小如舸
宛若身世江湖居夜深夢入剡溪曲青簾白舫如吾廬

似嫌清氣生肘腋坐覺寒景橫瞳矐夢回但訝夜生白
恍若雪浪搖窓虛起來作詩不可紀呵冰寫作山陰圖
題張小山君子亭

我嘗西湖謀卜居前有水竹後芙蓉羈紅縻翠眩人目
雲錦倒映青珊瑚歸來試問隱者廬嘉葩美植同紛敷
綵鸞蹋空夜不啄文鴛隕粉秋生珠竹秉君子操蓮如
君子清我亭居其中樂以君子名道人寓物不着物豈
唯物美唯德稱滿簾花氣香馥馥一亭翠景風冷冷願
君志如蓮濯淤泥而不染操如竹拍霜雪而不零我今
聞之當乞盟製荷為衣竹為策迥謝濁世全吾生

挾彈圖

輕羅裁衫紅纂纂五明馬蹋春雲暖平康殢酒夜忘歸
曉挾琬弓明月滿粟留多在高樹枝好音恰恰傷春啼
彈丸落手恣臬磔肯如鷗鷺終忘機嗟爾貴游何為者
豈問長安米增價不思射虎南山邊自逐鷓鴣蓬藿下

題金華莊元善松澗圖

南華老仙骨不朽古屋山深大如斗平生傲睨不出門
扉屨無約衣露肘長松千章手自植繞屋蛟龍蟠白日
松根老澗石髓浮環佩鏗鏘委寒碧長風撓松松怒號
澗聲迴合驚奔濤壯生聆之發長嘯彷彿相從時數遭
茅簷夢起午窓靜碎攪龍香濯秋穎澗聲繞指松氣浮
一片溪山曉無影我方覽之窺出處黃塵帽簷汗如雨
期君歲晏斲茯苓共汲清冷帶雲煮

梅邊齋

道人心與太極會結茅直與孤根對捲簾祇在香影中
開戶獨當霜雪際我聞老逋湖上宅老樹團團春拍拍
巡檐時復索一笑野月高標鬪清白何如道人屋如斗
蒲團祇荷南枝右定回但見影滿窓群呬暗聞香遍肘
嗟予生平懷此癖雪後寒驢時一策繞花哦作清苦辭
每欲及騷追楚魄道人心骨如花清歲寒我亦當同盟
擷芳煮鶴作清供竦身端合歸蓬瀛

題張子文耕隱

城市紅塵一十丈，輻利膠名騁輪鞅。經綸往往隱屠釣，
自謂勲庸隔霄壤。墊人只住城西隅，舍南舍北皆菑畝。
東家襤襖許借我，一犁春雨畊烟蕪。婦能曉饁子能讀，
一晦桑麻生理足。但願登平樂，有年肯為馳驅謀。食肉
歷山已遠有莘沓，出處當年計非小。君臣各與時際會，
聖德于今麗穹昊。張君隱志非隱身，林香釀得秋風醇。
凝續豐年頌元德，醉歌願作勲華民。

張正卿芷石圖

蓀蘭蕙萐元同譜，零落湘纍襍煙雨。香暎老樹冰霜姿，
靜倚雲根鬪清苦。紺葩同幹晴縣縣，蘄蘄玄壁大比拳。
根通九畹自彷彿，翠結五岳同連蜷。四明張君好事者，
求得仙毫一揮寫。至今清思滿沅湘，夢拾驪珠月中把。
芳聲從此如芷香，貞心從此如石剛。願挹高標脫凡俗，
凝結金蘭共尚羊。

嚴景安壁上畫松次韻

天風吹雨來滄溟，霹靂下震龍。盲驚巨靈怒，拔千兔禿。

老龍蛻此槎牙形致身自合倚絕壁底向虛堂寄靈蹟
龍香攪翠秋淋漓老榦摩空天咫尺當年觸石誇共工
天柱夜折嵩高中大材不作棟梁用祇恐斤斧終難容
遂令根盤多錯節安得吳刀秋斲月會須斬伐登廟堂
留取君家壁如雪

白日行簡仲幾

白日白日復西墮山中客子樓上坐樓西青山曲如拳
樓東青山翠成朶讀書到晚心悠然故人別去今經年
江流到東不百里夜半欲上山陰船故人故人在何許
半間茆屋青楓渚秋天有鴻江有魚胡為使我心獨苦
白日落盡我思君夜涼望斷江東雲

題張惟中翠微圖贈嚴侯

將軍間生東魯質半生雅有愛山癖自從一登泰山上
下眎羣峯如蟻蝨邇來築室鏡水湄萬壑千岩走空碧
躋坂不假山行標興來每着登臨屐一自佩符東海上
屢有此癖橫胸臆四明張君好事者為寫新圖慰疇昔

寸毫自解藏萬機跬步應須論千尺將軍獵歸卧窻几
數覽斯圖興太息翻思往事如夢中不覺心神愈滋疾
未容北窻卧淵明政擬東山起安石他時譚笑安黎元
好住翠微恣盤逸方今事業當激昂願策崇勲紀新蹟

題灞橋風雪圖

長安雨雪大如甕馬蹄曉蹴東華凍長安雨雪大如掌
礫礫商車競來往先生名利兩不干騎驢底事衝風寒
風髯獵獵雪種種三尺蹇驢僵不動自知清骨為詩瘦
不道玉山和雪聳君不見長安有客似龜縮夢魂不到
山陰曲陶家風味党家屠煮茗烹羔總庸俗清標何似
襄陽老一片襟懷自傾倒只因灞橋覓詩忙非是長安
被花惱豪吟徃徃凌鮑謝長才靡靡壓郊島載披毫素
眼生花悲吒無端動清昊

題陳君適凝翠樓

北山靚窈南山幽山中有地如麟洲道人平生好樓居
看山一月不下樓素心肯筮鷓鷯侶雅志自與麋鹿儔

樓頭遠峰曉
潑黛樓下急澗晴
鏘球紅塵萬丈飛不到
坐覺眼底蒼雲流
道人論心亦好客
有爵無筭常獻酬
祇今江海事兵革
羣縣供給方旁搜
何如樓頭啟門坐
免使調發窮徵求

歸鴈

高飈鳴秋衆木脫
鴈鴻來作南州客
不辭雲漢涂路長
要識吳淞水天闊
異鄉雖云足稻梁
江湖實恐多矰繳
同來兄弟無半存
強爾相呼整歸翮
東風杳杳吹晴沙
此日一舉天之涯
羽毛不犯塞上雪
瞳矐豈識江南花
洞庭一聲夜漂泊
瀟湘倒影春橫斜
長安故人斷音信
一去十載忘還家
鴈乎鴈乎爾歸何太急
使我臨風增歎息

題諒上人巢雲閣

上人身在虛空住
鐵杖芒鞋蹋煙霧
歸來塵土二十年
滄海桑田幾朝暮
石林紺氣春浮浮
翹然結屋居上頭
鷲鷯一枝亦自足
老鶴萬里空相求
上人閱世如幻境

空翠滿身凌倒景五更風雨老龍歸至今尚覺袈裟冷
上人是客雲是家雲與上人同一涯手把揮拂上天去
一洗四海無塵沙

送雲上人

孤城秋老萬木隕夜夜秋聲到危枕長游政有山中人
振錫時當菊花近紅塵如波渺滄海滄海紅塵幾更改
上人閱世如浮漚頭顱只有詩癡在錢塘近可一葦航
鍾陵王氣連鬱蒼鸞翔鳳翥久銷歇龍蟠虎踞今悲涼
上人眎身如電露自謂無來亦無去人間興廢等如之
只合編茅在山住

送全上人

蜀中山水古所聞知有五嶽元非尊上人足跡半天下
錫端高曳衡湘雲十年掛錫東海上金峨雪竇晴相向
燈分舍利塔畔光鉢共旃檀林下餉上人歲晏將何如
手持徑寸摩尼珠劇談似訥訥不訥外貌如愚愚不愚
上人此理知默契所以不會唯深會二嚴二乘妙熟探

大千小千了無外南還欲鼓湘潭拖天地江山等么麼
自知浮世一化城願結跏趺面牆坐

題姚子章野航

我家雪舫大踰屋君家雪屋寬踰舟四牕團團夜如水
月明滿載無人收道人書聲夜半熟一襟清氣清于秋
我來扣舷歌白雪隔江老樹春浮浮

欽定四庫全書

子淵詩集卷三

元 張仲深 撰

五言律詩

宿單孟年溪齋次韻

蘇端元有約風雨亦來過曉市魚蝦集深秋笋蕨多交
情今管鮑詩句逼陰何最喜華顛祖孫兒似小坡

題天師畫送人還洞庭

金碧擁層巒歸橈趁急湍人從天際去春在畫中看驛

路隨江盡湖雲類海寬
停舟未可別風雨落花寒

畚仲幾見東韻

小室瀕江渚晴新
愜賞心半年如許別此夕
動孤吟書至燈花落春歸
柳葉深懸知明月下獨步在湖潯

江城襟詠七首

望遠孤城暮村虛
樹木稀故山元有約此日未忘歸
沙晚鴈聲起江寒天景微
平生蕭散意莫遣寸心違

西風滿天地行子夕陽前
南浦人爭渡清江夜有船
異鄉孤客淚隔竹
小家烟風物今如此登臨一惘然

十月風霜勁長空鴈正愁
不辭閑塞遠故作稻梁謀
影落橫塘北聲寒古渡頭
羈人耿無寐危枕在江樓

原頭數楊柳葉盡晚依依
歲晏北風勁天寒行旅稀
江鱸從網得水鳥逐船飛
漁子津西去黃昏得酒歸

方冬氣候變縱目意淒迷
千里兼吳越南州帶鼓鼙
地連江棧濶天入海門低
歸路何愁寂寒城鴉亂啼

霜空澹孤月此夕十分清
烏鵲寒無夢閑河夜自明
入

簾微影落開戶素華傾萬里還如許姮娥不世情
霜露下林薄江千歲事闌起來風力惡不放酒杯乾南
土旌旗滿孤城鼓角寒百年如夢寐頭黑好相看

金華襍詠六首

經年困行役鬱鬱若為情異縣青山衆新秋白髮生詩
魔降戰壘酒陣破愁城物色今如此漂流不為名
百曲浮梁上滄波午景齊亂山蔽四縣一水匯雙溪舟
逐鷓鴣下沙迎草樹低隔橋秋社散歸客醉如泥

佳期天上又星約喜重尋

是歲閏七月

明月孤城柝西風獨

客心故鄉千里外歸夢一溪深應想高堂上新芻亦自
斟

久客經春夏風清尚滯留樓頭延月坐樹杪見星流東
土登平歲西疇黍稌秋山妻應解事麴蘖已吾謀

客倚南樓上西風月又初紫簫閒度曲茅屋夜溫書風
物吾鄉似人情異縣踈既無升斗絆只合賦歸歟
浴罷披襟坐危欄曲曲涼秋風清枕蓆客思入江鄉亂

竹踈螢度深林衆鳥藏晚來閒物色風土似荆揚
游承天寺
秋色今朝盡西風落晚紅人心本無隔節序不能同杖
策孤村外齋居亂水中坐看馳騁者行李自葱葱

練川雜詩四首

風物皆遷次因循歲月過清池黃葉滿落日暮雲多蠻
海橫妖稜官軍荷鎧戈故鄉音信斷無路問如何

百年全盛日海角見風波潮勢秋愈惡村春夜有歌時
豐多黍稌日莫飫駕鷲幸遇登平歲塞旗聽倒戈

浮世如談夢人情似聚沙一年江海上千里問音賒驛
路通西市江聲入下砂客懷無可遣時復嗅黃花
江深風物異歸計每逡巡有酒愁難破吟詩興自神枯
萑晴似雪獨鶴夜如人遯世當無悶行藏一任真

酬姜朝宗見寄韻三首

山色迎人近西風逐客來隔林松子落徧地菊花開補
衮慙無策論時屬有才江南多蟹稻相遇且銜盃

霜楓圍別院烟草亂蒼棊久客懷三益論心擬四知浮
生波上梗世事橘中棋坐嘆知音少憑誰覓子期
未赴龍門險安知蜀道難勲名懷魏闕身世屬槐安烏
帽西風側漁村夕照寒黃塵三萬丈無計一彈冠

用韻酬余伯庸三首

西風吹練水涼意襲絺袍擬草張衡賦愁聞楚客騷旅
懷秋更惡歸舸月中操應歎浮生者巢由亦自高
烏紗籠短髮渾欲不勝簪落景增詩思秋風識客心潮

平江浩浩月上夜深深不道人無寐新蛩四壁吟
短褐勾吳客風流憶晉賢斯文今尚在故墨有誰傳野
寺門如市田家屋似船飛螢偏有意時照筆床前

酬江叔載見寄韻三首

射虎南山側風吹短短衣故人浹旬別今日五雲飛春
動梅爭放霜晴魚正肥懸知賢伯仲醉卧月中扉
異縣無家客唯愁卒歲衣年餘三日在春入一鳶飛溪
水深如淺梅花瘦不肥扁舟時有興莫掩雪中扉

元日雪如泥山林玉作衣柳稍春尚淺香絮曉先飛
顧我隣無蹇知君廐有肥而還許借我一策到山扉

寄樓仲幾

一日一相見百年如此不已知詩有趣未放酒忘愁
鳥下西隣樹月明今夜樓相看須白首投老共林邱

訪鄮山周致堯時楊彥常烏性善蔣伯威陳子
參軍聯句因次其韻

紅樹風霜重玄冬氣候深幽人喜還往好客足期襟
酒陣圍詩壘詞鋒逼羽林江湖千古意今日友朋心

遊越

撫跡悲生事因循作遠遊半生山水願滿眼古今愁
木葉經霜減山雲過雨稠晚來清興動步履到林幽

苗涇莊上人以詩招飲用韻畲之

別院圍琪樹風聲起繹騷暝雲連古寺老客擁新貂
零雨妨歸計幽人屢見招西山如有約何必上凌霄

清江三日客風色晚騷騷古寺催嘗酒詩人免解貂永

懷方外友時見雨中招彷彿蓬壺路何須問紫霄

早秋

六月商飈動光陰遊莫留小窓梧葉雨危枕竹床秋遠
浦涼雲薄孤村野水流去年為客日今夜在南州

曉起

曉起坐南牖尋詩可散愁江城三日雨天地一分秋斷
岼蘋花亂空江雁影浮西風清興遠倚徧夕陽樓

嚴子廸南宅宴

浦上南陽宅人竒似小坡論交雖未久厚誼許相過江
暖眠鴻瀨霜威振薜蘿齊居具薰茗無夢到南柯

梁湖

孤舟催曉發急水暗前灘行子羈離日玄冬樹木乾霜
清天宇濶山盡海門寒回首通明路梅花屬我看

即景

三山何所見衆木集珍禽流水自朝暮青山無古今饑
鳶立檣杪孤客發春深江海多詩思愁人懶獨吟

破寺

破寺依山杪平湖遶四園霜風吹客髮水氣濕人衣漁
舸鳴榔急吟篷載酒歸晚來間物色坐覽歲華非

行旅

行旅驚秋莫征衣點越霜絕葷神氣爽得句客情忘廢
沼枯荷滿空庭碧袖香起來羞把鏡維恐髮毛蒼

天際

天際殘陽薄南濠水氣寬生涯牢落久江漢別離難明
月漁歌起孤舟客子寒梅花隨地發聊以破愁端

北風

北風振枯木殘葉苦禁持起覽窮冬物因懷生事悲踈
煙澹西舍寒雨響枯池陳酒床頭有題吟飲一卮

歲盡

無家千里客此日若為情異縣多風雪殘年見甲兵梅
花因我笑山月為誰明照我鄉閨夢相隨到鄮城

懷兄子益

莽莽草根白昏昏林表煙半村猶作客橫浦有歸船晚
歲霜如雪離家日似年何如聚兄弟團坐夜深眠

歸夢

歸夢逐飛鳥修程奈爾何澄江饒浦溆落日亂鴛鴦近
市浮圖小還家客艇多裁詩且消遣隨意發高歌

歸途

歸途纔五日曉起每心驚溪響知灘急霜嚴信日晴漂
流幾半載蹤跡媿吾生先到西湖上時還訪舊盟

行舟

舟行常可計風色苦相違落日酒杯閣清江蘆筍肥壯
懷茲浩蕩畢景自稀微眼底非無見遙空一鳥飛

九日

憶昔殊方客故鄉千里情何如杜員外瞻眺梓州城老
圃黃花在西風白髮生床頭有新酒涓滴盡餘傾
海角孤城晚驚心歲月馳小園楓落日老圃菊花時愛
酒陶彭澤能詩杜拾遺百年須強飲頭白莫深悲

前園後園... 我... 園... 奇... 音... 松... 石... 計... 同... 吹... 其... 也... 謝... 州... 如... 素...

欽定四庫全書

子淵詩集卷四

七言律詩

寒山寺

元 張仲深 撰

姑蘓九月荒城路一水迴環客艇多萬里西風吹落日
五更漁火亂滄波江村夜迴傳鐘鼓池館秋深老芰荷
欲問興亡吳越事道人為我發長歌

曹娥廟 用石上詩韻

淑女貞誠貫九霄身隨父櫬入寒潮一江大浪名長在
三尺孤墳骨未銷嚴祀有儀崇令典素麻宣誥屬熙朝
當年莽操皆臣子慚媿賢娥史並標

次烏繼善城南三首

中原克復近來聞鼓角連天起夕曛杜老有詩如國史
賈生無策奉明君櫻桃入夏千株雨牟麥先秋萬頃雲
獨有村南垂白老曉呼婦子餉初耘

故朝城郭盡空基今日增修又一時於越誰人追范蠡
勾吳有客似相纍杏林煮酒心先醉草閣看山手自支
無限閒情動吟思綠楊為我一顰眉

柳絲槐幄蔭澄波十里橫塘翠颯娑荏染風光春事曉
清和天氣雨聲多園廬近遠連桑柘隴坂高低襍黍禾
鞞帽入城塵土暗故山回首隔烟蘿

鐵釜中蓮

暇日宴金華祥符方丈了堂悟公以鐵釜置蓮方著一花關西楊伯玉徵

予賦詩以呈湛庵信公時與者孟志學蕭君祐暨仲深也

翠擁柔葩濯素商誰分玉井一莖芳根通金氣秋逾盛

雨裏鉛華晚更香
堦埴有功潛土脉
凌波無步到陂塘
自知鷗鼎鈞陶力
不受金莖沆瀣涼

楊廉夫月波樓

飲馬橋頭聽鳴珂
飲馬橋下雪始波
自從道人琴佩至
想得衡門車馬多
樓外青山橫獨鶴
枕邊柔櫓響雙鵝
我來疑是楊雄宅
夜燭藜光諷九歌

奉寄易之在師京

憶君日日共吟哦
三載懷人可奈何
聲價相隨詩價長
新交應似舊交多
春連宮樹鶯花合
人在瀛洲歲月過
千里有書如訊問
布衣仍舊住城阿

懷巖侯在廬州

九十春光強半陰
蠻風日日振平林
海天花柳愁無際
江郭旌旗駐轉深
驛騎通宵催調發
故人終歲絕聲音
吾生賴有園廬在
吟盡黃昏思不禁
去歲風狂薄海涯
今朝霖雨轉如麻
自緣地僻多啼鳥
不管春深又落花
十里荒城宵警柝
一年征戍日思家

丘山想有棲遲者獨立衡門數暝鴉

九日與吳君同舟過越

延陵有客上蓬萊九日相逢暢好懷
賴有舟中尊酒在不知籬下菊花開
利名異業同奔走山水無情往在回
解得淵明千古意不謀升斗盍歸來

建德曾德明存中齋

梅花千樹雪紛紛想得衡門閉夕曛
地脉陽和今夜復天根造化一中分
空青暗結崑岡髓神汞光連華嶽雲
養得丹成思蛻骨笑騎黃鶴馭氤氳

次勺曲外史西湖感懷韻

一鞭春入曉蕭蕭長記尋詩過段橋
花底鶯聲閒送客馬頭山影欲凌霄
情懷忽爾思前載風物多應是故朝
蹋盡春光生感慨當年王氣逐虹銷

送周養心檢討

江南六月蠶重熟此日揚舲興倍賒
滿面炎塵低客帽一川離思屬荷花
功名衮衮人千里世路悠悠日自斜

擬駕輕車尋舊約
曳裾多在五侯家

題危太樸檢討借船圖次葉敬常編修韻

獨懷十載竹書光
今日追游越水鄉
擢發錢湖情浩浩
夢迴梵宇月涼涼
蓴絲入豉春流滑
菰米舂雲晚飯香
內翰新詩費題品
定應風物引杯長

奉酬單孟年韻

買得江魚貫柳條
欲譚興廢訪漁樵
西齋有酒尋常醉
東閣需賢次第招
春盡廣湖孤客老
月明小皎山素娥

嬌桃源有路家應近
不比天台隔石橋

酬鄭千里見柬韻

碧梧秋入未全飛
尚有餘陰護客扉
半頂風濤天澹澹
一竿晴旭曉暉暉
弱軀祇為吟詩瘦
強仕多應食肉肥
海角書生心自赤
伏蒲無計到宮闈

酬族兄潤父韻

長記西湖日日晴
畫船齊載管絃聲
青青草色裙腰綠
白白梅花粉額明
舞倦玉纖歌扇重
醉揮銀筆帕羅輕

今年海上多岑寂相對籬根郭素行

鴈

翅老西風絕點瑕秋江難認宿蘆花雲邊字缺銀鈎斷
月下箏閑玉柱斜影亂飛鷗回遠浦陣橫宿鷺落平沙
聲聲喚起蘓卿恨為帶吳霜染鬢華

慈湖感懷

十年不蹋慈湖路湖水湖山總舊遊老樹尚能知客意
白鷗元不識人愁謾需菽粟謀盤筯盡使鉏犂化戟矛
築得長城為屏蔽也應飛遁住滄州

慈湖三月風物好客子行吟遣日長斷浦草根科斗黑
隔籬欄下來禽香家童解事故携酒野鳥辟人低度墻
今夜山中有風雨何妨下榻贊公房

贈方桀之

化城盡屬利名場門外三車日日忙自畏簡書為府史
故知文字重經王天華雨曉蒼雲濕貝葉翻風白晝香
江海紅塵一千丈靜邊心地自清涼

贈胡一泉

見說君家住翠瀛蓬萊祇在眼中青門前弱水三千頃
屋後長松九百齡別墅溪橋宜客渡斷崖石瀨可人聽
一邱一壑平生願老我茅堂煮茯苓

贈呂季亨

華掖雲間接絳霄簿書叅贊見英髦姓名曾隱蟠溪釣
筍笈今傳左相刀昭代衣冠稱古昔太平禮樂屬賢勞
願將真孝旌天下解遐蕃俗盡陶

贈姚明齋

繁霜滿天歲欲單馬鳴蕭蕭百草乾北風吹沙弓膠勁
落日照海旗影寒將軍攝符及瓜代轅門載戈如錦還
太平未可忘武備不妨橫槊吟江關

贈張子恭

三載懷人歲月長吾宗神秀鬱相望墻東業在名尤重
墻東老人乃江陰陸子冀北羣空馬獨驤已喜黃堂時
芳別號公其門人也

雪香

江陰酒也

奮天民韻三首

三春風雨似梅天
欲過蘇端履錯然
阿閣不聞儀彩鳳
郊闕是處有饑鳶
秋荒乏釀茶為酒
魚熟難賒米當錢
見說卦爻增著述
研池滴露費摩編

春歸無路入遙天
悵別江雲思惘然
蕙帳夜閒悲獨竊
柳塘水煖浴雙鳶
魚供鮭菜難謀酒
米比真珠不論錢
海上陰晴猶未卜
簷花時復落芸編

朱崑溪上水如天花
氣熏人盡欲然
山意生成歸草木
春心飛躍見魚鳶
酒邊豪句多千首
客裏慳囊罄一錢
幾欲携家謀卜築
草茅無地得誅編

酬楊彥常韻

霜風日日振平林
想有幽人賦藁砧
故縣湖山餘瓦礫
異鄉蹤跡嘆光陰
酒杯擬泛盈盈玉
菊蕊還看采采金
喪亂未知同白首
百年莫廢友朋心

酬樊天民詩韻二首

龍壑清涼查靄中溪迴知有釣璫翁衣冠在昔稱江左
文物斯今數浙東海上家家梅子雨林深日日棟花風
一春何事多惆悵琴佩無由得往從

半椽茆屋綠陰中古道多逢偃僂翁萬疊好山春上下
一犁膏雨晦南東稀微夢澤連雲土隱約蓬壺隔浪風
春服既成沂可浴定知童冠得陪從

奉酬陳子善見東韻併上王良與

獨上危樓百尺強白沙翠竹迥相望西江返照連虹影
南鎮殘山入雁行薄暮杖藜詩興濶深秋池館酒尊香
客邊清致憑誰遣賴有王家玉雪郎

酬蔣尚之見寄韻二首

世比空門幻六如我曹謬爾羨三餘設羅自信能罹雉
緣木何由可得魚煮字有方喻辟穀賣文無計勝傭書
神交滄海非冥漠豈論心知會數疎

昔年曾記漢相如洛下才名儘自餘尺素每憑南鄉雁
寸波難育北溟魚勳庸謾爾昭三史事業端知在七書

想得山齋春雨後一簾花影畫疎疎

游子

游子十月湖上路天寒水落洲渚長北風蕭蕭草木白
沃野莽莽烟雲黃去年小艇走江海此日晚歲愁家鄉
故園幸自好消遣茅欄春動梅花香

懸根白菊

嚴侯索賦吳郡守劉侯

分得籬東白雪叢為扶秋色曉童童數絲獨耐風霜力
一脈潜通造化功翠擁枯筇殊絕土香溥素豔欲浮空
維持自有神明在相對西風不窮

城郭

壬辰夏

惕勤宵旰每臨軒方面臣隣作屏藩上苑祇知花解語
南州豈信石能言姦雄倔强兵難息郡縣隄防政轉繁
顧我自慙謀用拙坐看株守保元元

題天師畫

空青千仞玉嵯峨點染何曾費墨多不是分雲來華岳
也應洗筆到銀河斜陽屋後深深巷積雪林間小小坡

飛溜一枝蒼澗側令人翻憶考槃阿
登仁王寺江上一覽亭

一上錢塘一惘然百年王氣逐晨烟
乾坤浩浩春無際人世悠悠夢未圓
吟盡鶯花歸路遠望兼吳越海門偏
明朝載擬登臨日手拍危闌上九天

青林渡

青林渡頭月影微舍南鴉陣歸
提提澄江入夜客喚渡短艇剪燭間
裁詩田園每為樂事廢鼓角又起殘年悲
十年蹤跡半江海草草杯盤慰別離

題五光大春山遇雨圖

柴門竹樹春如沐村北村西半夕陽
百里山光浮眼底滿川華氣接雲長
杖藜別墅誰家客理釣晴天何處郎
我欲題詩思無限卷圖還憶在瀟湘

泊大洋

十幅蒲颿挂暮秋一汀煙靄結閒愁
客懷有似青山亂歸思多於落葉稠
過眼功名如大夢百年身世等浮漚

高堂但願豐甘旨肯為區區食肉謀

謝易之自京回遺余文物七品各賦律詩一首
謝之如左

危太史撰張節婦傳

操守冰霜四十年豈期息渥出崇天森嚴史筆千人表
典雅文章衆口傳母子素心今始著友朋高誼久彌堅
不惟家乘當珍重要與圖經續後賢

趙子期叅政篆光霽扁

古來篆籀數冰斯千載流風想見之當代典刑遺老在
一庭光霽故人知屋梁落月疑顏色翰墨生雲揭宇眉
多謝心交題贈意小齋從此是襟期

李惟中諭德書貞節字額

日日春宮教諭回青雲翳鳳下瑤臺文章有焰躔東壁
翰墨生輝貫上台華表恩光同赫奕高堂節義共昭回
故人驛騎親携送帶得天香輦下來

宣文閣筆

霜毫拔月出句吳分贈多因進貢餘筵閣校經資檢討
管城錫號自中書九重綸綍曾參贊三輔英雄薦藉除
今日茅齋陪硯席且供鉛槧沐方諸

九成宮法帖

唐家宮殿重因循銘刻堅珉自法真一代文章昭述作
千年翰墨愈精神龍香浸潤馳油滑兔穎分明璽色新
為向晴窗每臨寫從今不數衛夫人

至正新銅錢

金工采得首山銅範合全憑橐籥功輪廓迴環函太極
圓方相亞啓鴻濛五銖榆莢非今制陰綬陽文在昔同
母子權行歸至正慳囊已免一錢空

上京紀行詩一卷

世祖龍飛奠兩圻歲時巡蹕重依違千官扈從趨黃屋
三子聯鑣總白衣眼底關山生藻思馬頭楮穎發光輝
詩成京國爭傳誦太史遙瞻動少微

題小李將軍金碧山水圖

津塗冉冉湧紅塵何處溪山別有春
把釣未聞辭漢客過橋多是避秦人
渚蒲短短船頭出雲樹深深眼底新
果使林堂如畫裏千金買宅也為隣

題齊思賢歲寒雙青圖

霜落溪山萬木零畫圖忽爾見雙青
徂徠新甫元同譜馬鬣龍姿每異形
離立勢盤三百尺後凋心傲幾千齡
我家蓬島皆蒼翠歸去茅堂煮茯苓

久雨感懷

閉門十日黃梅雨門外黃流數尺強
泥淖載塗深沒馬蒿菜滿地亂踰牆
中原義旅驚倉卒蠻海元凶轉陸梁
安得倚天三尺劍掃除氛祲濟時康

客邊宴友呈張孝廉

吳姬歌盡少年非淚滿西湖舊舞衣
亂後有山空樹色春來無日見晴暉
荒涼客館蝸牛集狼藉梨花燕子飛
賴有清樽好消遣相逢共立晚風微

武林韓與玉名璵雅與易之在京師交至密至

正十五年乙未歸武林病亡六月間訃余雖未
獲締交以易之之故數有翰墨附余是年冬十
月朔偕易之暨武林楊彥常鄉中蔣伯威葉孔
昭應成立祭于鄞江義塾約賦詩以挽之

渺渺紅塵翳九區交遊零落似星躔斗山未遂荊州識
翰墨長瞻逸少書京國十年奔走後江城六月訃聞初
知心賴有相如在我亦臨風為哭諸

東吳錢可竹挽詩

隱居結屋近滄浪養得閑身八十強當代躬行周禮樂
平居猶着宋冠裳竹窻夜入琴書潤花逕春深杖屨香
一自九原魂夢遠至今遺跡滿林塘

用蔣伯威韻賀馬易之自京回

故人長是別離難今日論交未盡歡客裏舊檀隨地暖
囊中古劍倚天寒反思旨酒分光祿尚憶和羹給大官
文事固知天未喪太平丞相政桓桓

十載羈樓劍佩偕幾經新火起榆槐海頭詩苦情懷惡

天上人歸氣勢佳
行李壓肩珠玉重
平蕪眯眼甲兵排
近聞河朔新成記
易之有河朔訪古記黃政卿快觀應危太樸許可用三先生有序
知客滿齋

宿甬東書院簡汪以敬團結并上徐季言

東風裊裊入麾幢
詩客行春度石缸
齋舍日斜青佩散
酒杯春汎玉瓶雙
沿江義旅齊鳴柝
傍竹人家有吠龐
醉裏不知身是客
夢回明月滿西窗

簡楊景仁

成真院中楊道士築得危樓百尺強
床頭紅酒留三月
匣內玉琴時一張
醉歌青天擊靈壁
月下步虛鳴水蒼
草玄增注須當問
載酒來時竹葉青

雪舫夜坐

楚人雪舫大如斗
中有六尺枯藤床
一牕燈火夜淡淡
滿園風雨春茫茫
杏花已開江草短
燕子未來楊葉黃
湖山秀色可攬結
明朝歸去聊徜徉

月殼為陳君從先生賦

高麗石瑠璃可炙燈

姮娥吹影濯滄浪彷彿天珠出斷岡
玉斧割雲秋有暈銀蜃蛻骨夜生光
沉沉素魄尋幽夢耿耿空規照畫堂
應想廣寒宮殿小清虛曾貯桂花香

題晴川圖

十年不鼓南游柂忽憶君山在洞庭
百頃風漪春澹澹半岩花氣晝冥冥
神姑拾翠遺珠珮仙子吹笙振鶴翎
從此披圖思稅駕敢憑一葦渡滄溟

賦池上落梅呈無文枯厓原道

孤標粲粲傍池臺彷彿含章一鏡開
紫竹吹殘香影瘦玉龍戰罷甲鱗推
魚驚荇蒂瓊英綴鷗訝波紋雪片堆
縹緲翠瀛星斗亂宥隨流水出天台

龍泉寺

寺乃荆公王安石
石讀書之地

石磴盤秋上翠微山腰雲氣濕人衣
西風黍稷多遺秉落日樓臺半掩扉
歸舸艤潮吟佩逸寒潭貯月老龍依
昔年想得行霖雨安使蒼生議是非

故鄣尹許具瞻挽詩

江城歲晏露華繁
翠擁西風曉戒駮
兩縣十年滄海夢
孤墳三尺夕陽寬
穹碑紀蹟龜趺重
鉅筆題名鴈塔存
賴有文章垂不朽
五雲日日護重原

莫春感懷

草樹林園日夜新
清和庭院靜無塵
一簾晴景遲遲晝
滿眼風煙澹澹春
多病漸於詩律廢
看花莫惜杖藜頻
望中物色渾無賴
漂泊泥塗任此身

半天星月碧雲流
滿眼東風獨倚樓
燈火西隣人語夜
江城二月客維舟
春深草色愁如海
寒澹花枝麥未秋
多謝風光共料理
黑頭熏業鏡中羞

慈湖阻雨

我來三日無日晴
西風吹雨天冥冥
草蟲切切語床下
庭樹葉葉生秋聲
千憂盡付盃中物
一醉豈謀身後名
澹烟薄暮慈湖路
疑是山陰道上行

題王良與白沙翠竹圖

半身生世祇飄零
長記扁舟過洞庭
隱隱龍堆連楚澤

泠泠鳳吹泣湘靈地偏水落星沉草天濶風高翠刷翎
從此携家謀卜築疎簾清簟諷騷經

題昌上人浮碧閣

蕭然欄檻俯滄溟迥絕紅塵眼自明江月壓欄鰲足重
浦雲扶棟蜃樓輕浪搖山影團空翠煙漲林光薄太清
兩袖高風秋瀟瀟倚闌無語看潮生

竹間見月

琅玕暝立小齋前春老嫦娥此夕圓素魄馭風持節舞
蒼龍入夜抱珠眠妖蟄吐練橫林薄翠袖韜光照几筵
彷彿遊仙雲外仗霓裳羽葆下遙天

送僧闡仲猷

雨過經樓翠壁涼散花天女近禪床振衣自入藤蘿去
挂錫貪看水月長碧樹當門立鶴下紫芝滿地白雲香
時還許結廬山社凜凜清尊使客嘗

送僧褒仲美游金陵

見說鍾陵隔幾塵龍翔殿閣此時新諸天坐挹金銀氣

一錫行看草木春，貝葉何妨寅夕諷。
梅花不厭往來頻，江南江北猶兵革。
林下栖遲復有人。

挽劉東隱

壽考聞君七十過，平生事業老城阿。
無心種玉虹光滿，有子承家瑞氣多。
華屋連楹新結構，青山闢土近菟羅。
明朝載酒墳頭過，一酌滄浪發此歌。

挽張明遠

三篋傳家夙所承，隱君問學德逾馨。
才華問世天應賦，人物斯今地尚靈。
簡冊在箱存手澤，衣冠入坐想儀刑。
平生行業終難閔，定有兒孫為乞銘。

欽定四庫全書

子淵詩集卷五

元 張仲深 撰

五言排律

哀通山尹巖子儀

靈嶽鍾神秀精英集戩祥儀光耿梧竹昭質重圭璋踵
武名尤盛承家德愈芳澄心媿冰檠素心厭棠梁鸞鳳
思遐翥驂騑欲遠驤泥涂慚泊沒雲路極翱翔旅食京
華舊羈栖歲月長籍通三府掾鬢染兩都霜劔履星辰

上輪蹄輦轂傍坐分光祿酒膳給大官羊扈從時覃澤
叨陪辱寵光自憐為幕客每得與齋郎秩數優衷赤息
庶降救黃絳袍從事久紫誥轉除忙未入河陽縣多思
召伯棠莧來知有計彭澤自相忘井有高人轄門無俗
士韉酒尊開研席枕簟薦園堂念昔交游好論心禮意
減過從踰上客繾綣洽中腸深擬平生契云胡一夕亡
百年空有約千里尚相望嗣有齊家術囊遺種德方勲
名雖已矣聞譽足揄揚鐫石詩成此澆茅酒作漿佳城
多瑞氣吞哭向斜陽

哀故楊景義

台州三老宿詞賦獨風流

台州陳剛中施省心
楊景義三先生齊名

沆瀣溥

清曉鋒稜鑠素秋貫通青瑣籍文與玉堂侔譜自關西

出名慚閣上投才華唐李賀敏捷漢楊修濟濟衣冠舊

蒼蒼氣象優肩輿過鴈蕩稅駕住麟州講解通玄奧陪

從飫勝遊擬為終歲計遽作故園謀高第才騰駿諸郎

氣食牛訃聞三島陽歌斷五雲浮未賦黃金殿先題白

玉樓詞章露後進德業媿前傳慟望巾山碧淒涼土一

坯有數世為然成行在國無地無一道也始

蒼蒼原哀故程敬叔河東三鳳教授花桂發于今數

用東百家邑人物精萃英近者翔三鳳鄭薛景春史駒甫程時叔三先

生同膺鄉薦時人號為江東三鳳教授花桂發于今數

請劄云河東之三鳳重鳴洛下之二程再出著讀書紀年工講

二程敬叔時叔兄弟齊讀書時有法程刻行于世講

貫且能評自謂才名重毋令出處輕德尊羣老列坐有

五經橫往復皆者舊藏修盡老成省臺交剡薦郡國倚

文衡理性程明道文章馬長卿鮒生慚後進熏炙籍先

聲心地茅長塞牛山木自榮趨陪鄉飲席侍立夜窓藥

晤語傳深秘淵源發明坐看年甲改竚覽歲華傾政

喜書三考俄聞夢兩楹昔年堅苦操今日典刑名教授

生前爵即官死後旌禮存羣弟習樂有一夔鳴存沒俱

無憾修魂惻九京哀故紀益朋

聖代徵文獻才名即故吾衣冠前古製儀範後人模素

性惟沖淡潛心只典謨妙通皇極奧名貫玉堂儒文采

袁程並

時與袁伯長
程時叔齊名

交遊許鄭俱

與許山心鄭
景尹交至密

字精當

世趙詩擬近朝蘓庶子趨庭下諸生列坐隅十年承誨

晤合郡盡咨諏鷹隼空搏漢驂騑憶過都勲名終不累

箕業足良圖老矣青山樂優哉白髮娛九齡今已邇一

夕遽長徂塚有馴林鹿巢多反哺鳥笥藏蛟室錦囊貫

蚌胎珠夢寐常心墮懷思默嘆吁九原不可作空爾束

生芻

哀故單良能先生

南渡衣冠舊傳家具五經智圓車爨輶機敏隼揚翎訓

奉鄒軻母趨隨孔鯉庭索墳心獨領詩禮耳親聆煅煉

金鎔冶鋒銳劔發研行方交自寡居陋轍長停駭勇慚

雄信編修慕士寧鈔探楊陸奧頽脫邵程局秘密神嘗

授禪玄識自靈嗟予新造進講貫舊魯聽煦姬靈時雨

鈞陶藉范型哲人寧久世梁木仆深垆授受多賢弟傳

承有寧馨百年餘手澤千古想儀刑馬鬣封寒玉麟州

隕德星見知當世少我獨寸心銘

挽太嵩潘子明

徽懿君家秉由來積德門地饒山水富望重里閭尊禮
貌今宜範仁心夙所敷浮名焉肯絆壯節自高騫施子
財無靳傳承業愈蕃片言安泰華衆譽越璵璠序塾賢
才萃齋廬聖像存菑畲儲足膳鼎俎昨餘膳茂蹟鑄豐
礪華題照旭暎不惟來遠邇且復育兒孫誼重通家好
情深奕世婚朱脣訶白苧金炬倒清樽繾綣方符轍幽
明忽憶轅青山封馬鬣玉井訝攬躄征旄西風夢靈輿
夜月兔聲華雖已息嗣葉自重繁茅酒酌三酌蕪詞此
九原涕零滿衰草聲出不能吞

七言排律

上湖東僉帥董公孟起

幕府宏開地盡頭微垣星拱列元侯職顯方面雄諸鎮
位重名藩貫七州盛代文章陵屈宋太平禮樂屬伊周
六韜久已潛深秘三策于今闡大猷袖帶烏臺霜氣肅

佩聯鸞閣曉聲浮不辭萬里風沙遠肯為三年吏士留
劔戟夜明江徼月旌旗晴擁海門秋德霑荒服謳歌起
威讐遐蕃贊畫優馬繫高楊春裊裊鹿眠間草午啣啣
時歌白雪多賡載滿引清香足獻酬賤子素心如寸草
明公洪度似三洲願持色筆濡膏澤解使孤貞達冕旒
華表會須榮里閭深恩何止戴山丘中朝柱石歸元老
竚聽臆傳錫玉鳩

哀烏勒哲圖中奉

將軍忠誼冠當世烈烈雄姿不可降自襲簪纓分貴胄
却屯貔虎鎮南邦射鯨滄海探鼉窟搏猛蠻荒擁豹幢
世謂有名矜張王公云盡瘁効愚憇旌旗暮卷秋頌令
徼漠春閒夜吠龙紫誥近登藩閫貳文犀添重虎符雙
政開玉帳民除瘼遽調南柯倍自龐想見孤貞懸日月
幸留遺像衛矛鏃東風慘慘吹征旒落日翩翩照大江
國士仰風咸戴嶽書生有淚洒飛淙尚方魯錫衣間襲
內府空頌酒拍缸存歿有榮無復憾汗青勲業筆如杠

贈致元長律二十二韻

念昔同袍甫十齡追陪日日看趨庭通家有好因隣近
聯璧多才獨爾馨藏器羨君思射隼讀書憐我苦囊螢
路歧南北隨陽雁蹤跡浮沉寄水萍驕馬秋風馳隙電
綵衣春日照屏星未承世祿踰千石最喜傳家有一經
曉起庖烟分別院夜深篝火耿疎櫺材傾國子承天寵
名動京師覺地靈虎豹伏林蒙霧露蛟龍出海挾風霆
每傳箭鏃穿重札已見詞鋒切九冥粉署積謀縣月鑑
烏臺賈勇發霜刃雄談疊疊如霏屑妙論時時若建瓴
振佩青雲看鵠舉曳裾華省喜鸞停四年草檄淮夷讐
一日揚麾海寓寧賤子棲遲頭半白故人相見眼終青
自憐作賦誇鸚鵡長記哦詩感鵲鳩堂上慈闈秋寂寂
門前華表曉亭亭仲連排難無策平子歸田學閉扃
盜賊猖披終殄滅黎甿微斂重伶仃蚤揚露布傳東澗
行看天書出內廷茂蹟擬藏金匱券豐功應紀太常銘
書生抵掌期歌凱起挽天河洗耳聽

挽松江衛立禮
奕世簪纓夙所嘉
隱君德義愈堪誇
赤心益解當忠國
素志兼承且克家
蒐獵書林期汗漫
棲遲廬圃謝駑奢
名尊二仲馳江右
瑞產雙珠照海涯
投轄每留賢者轍
脫駟曾賻故人車
光陰迅速風前燭
事業浮游水上莖
瞑覺華亭無唳鶴
空看宰木有馴雅
斧堂深瘞封侯骨
笥篋珍傳拜相麻
遺訓自能光嗣葉
巧銘行見發潛華
淑人千古終胥憶
矯首雲間一歎嗟

欽定四庫全書

子淵詩集卷六

元 張仲深 撰

五言絕句

題時處恭枯木竹石扇

瀟湘明月夜
眼底見蒼雲
衆木皆零落
空山祇此君

雲山圖

流水雲中響
青山樹杪多
客行山水外
落日聽吳歌

七言絕句

次常山鄭明善長至日見東絕句

團團山郭甫千家地接東南有等差不道山中逢至日
家人應是卜燈花

遠林旭日曉融融六館初陽一脉通見說衢州賢太守

起觀雲物上華豐

衢州有華豐樓

次趙文舉簡沙彥博二首

行路已知難復難客邊翻憶去年歡騎馬出門雨如注

江南江北汎盤盤

渭城風雨別離難春樹江雲盡客歡世上紅塵深似海

屋頭明月大於盤

瑞萱

炎風吹老鳳頭花碧幹秋添翡翠牙移向北堂深處種

自知戲綵屬君家

稚桐

分得靈根自嶧陽亭亭翠幹及人長莫辭拱把當風露

他日終經宿鳳凰

武林感懷四絕用馬易之韻東祐聖觀王景周
并呈王素岩

湖山風物逐灰飛
媿我行吟雪裏歸
認得吳姬年十八
從來不減舊腰圍

風搏萬鶴下瑤臺
九市無人夜撥灰
可惜西湖歌舞地
春深觸處長蒿萊

紅塵不到老仙家
依舊疎櫺幔碧紗
宗陽官佑
聖觀獨存兩袖高

寒吟未穩倚欄和
雪看梅花

西湖歲晏雪如波
湖上誰人載酒歌
眼底甲兵猶未息
可無壯士挽天河

雪峯

西蜀名山久失尖
天風吹隕見堪巖
願君移置軒窓下
要滌人間六月炎

眉文硯

誰斲雲根出混淪
一區玄壁重璵璠
龍香祇解供吟筆
不管春山濕黛痕

題王良與捕魚圖

迤南水陸干戈滿直北關山祲霧多
船尾斫魚船首飲
人生只合老漁蓑

隱居圖

我來江口氣如蒸今日披圖眼忽青
但見林臯發光怪
夜深知有少微星

插花掛畫圖

高人杜門不入市只在西郊結草堂
清事惱懷眠不得
看花看畫勝公忙

題宗上人畫

江南六月露華繁涼葉紛紛曉不翻
自是故宮風物異
至今烟樹滿祇園

題墨畫孔雀圖

梳柳樹老嶺南春雲外歸來翠滿身
常恐文章嬰世網
肯將毛羽涴緇塵

壁上小景

半林斜日帶晴霞彷彿柴桑處士家千里田園歸未得
只疑此地有黃花

浦景仁蘭竹圖

素娥孕魄墮微茫散亂寒花石上霜尚憶楚魂環珮冷
至今清思滿瀟湘

松亭圖

一椽茆屋小如舟百尺長松在上頭更得秋風田二頃
底須騎鶴上揚州

題嚴景祥畫

蘚紋碧蔭虵蚶石山意晴函鶴背雲自是蒼松多野趣

未應祇數老髯君

董元善畫美髯
髯又號髯君

江海十年奔走地草堂今日友朋心平生乞得清洪願
只結茅齋住綠陰

題天師畫二幅

江上羣峰類九華雲中樓閣是誰家幽人怕有看山者
自起開門掃落花

兩洗枇杷柰翠何白雲如海
寫通波小橋分路春烟裏
定有人家住澗阿

春山遊騎圖

淑氣熏人醉似霞子規聲裏
欲飛花馬蹄踏徧青山道
底事奏深未到家

馮仁夫木石圖

老樹搏風泣瘦螭石稜霜剝
玉差差歲寒雖倚空山底
自是岩廊柱石姿

紫霞几

女媧鍊石補青天文礦無端
落海壖昇入小齋供醉隱
夢覺時到五雲邊

垂杞

花隕西風蜀錦香珊瑚密貫
翠絲長茂陵秋冷牂牁夢
肯信餘芳落海鄉

小桂

根分兔窟翠婆娑秋影團團
數尺過自是天香落人世

也將金粟鬪嫦娥

甲葉監城敬常次許具瞻韻

人情盡屬莊周夢世道翻悲墨子絲一日青山瘞寒玉
令人瞻望起遐心

溪上次岸上人五絕句

柳風松雨滿溪濬風雨催殘二分春門外泥涂深馬迹
江海紅塵高没人

杏梢紅日帶紅酣零落東風浦水南春老王孫歸未得
一川烟雨思何堪

溪南溪北燕交飛溪上人家客未歸翠壁夜間山鳥叫
金爐燼冷水沉微

蒲芽莎草滿沙堤數箇小船繫短籬不去西湖載歌舞
却來溪上載相思

短短疎籬矮矮門溪頭鷗鳥動成羣酒邊詩句空千首
世上兵戈正糾紛

古詩十九首

行行重行行 君行逾萬里 妾心隔五洲 君行不遠 妾心已隨君

秋風怨 秋風怨 秋風怨

雜詩

金縢

蘇武

十三



